



Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 40. Primæ Sessionis Decretum.

[urn:nbn:de:hbz:466:1-66433](#)

Secul. XVI. ejus sunt. Quæ verba in sermone suo explanans ostendit, ad id unum in ejusmodi conventibus incumbendum, ut Deo ter Optimo Maximo placeant omnes; hunc enim solum eorum esse arbitrum, nonnisi ejus fidem, & cultum, ac omnium, quæ his adversantur, extirpationem esse procurandam, ac denique, ne optato frustrentur fructu, Patres adhortatur, ut ab omni labore corda, ac corpora sua omnino munda servarent, ea, quæ Deo debent, discuterent, atque effectui darent, in sacrarum literarum meditatione, nec non in traditione sacra frequenter occuparentur, ut fidei depositum fideliter servare valerent. Denique finito sermone Hymnus de Spiritu S. *Veni Creator &c.* decantatur, demum vero Lutevensis Episcopus consenso suggestu sequentia decreta recitavit.

§. XL.

Primæ Sessionis Decretum.

Sacrosancta Generalis Synodus Pisana ad reformationem tam in capite, quam in membris, pacem omnium Christianorum, bellum contra infideles assumendum, extinguendaque schismata, hæreses, & errores in Spiritu sancto legitime congregata, universalem Ecclesiam repræsentans decernit, ordinat, definit, & declarat infra scripta:

Primo

Primo indictionem præsentis Concilii Pi-
sani, literasque, & schedulas de ipsius convo-
catione ob præfatas cauſſas & evidentissimam
necessitatem rite ac legitime & recte proceſſe, ipsamque civitatem Pisarum ad ipsum
sacrum Concilium celebrandum plurimis ex
cauſſis legitime fore deleſtam, commodaſ-
& aptam, niſi poſtquam Pisas advenerunt
Patres, ob Romanæ urbis propinquitatem cœ-
perunt non abs re ſuſpicari ab hiſ, qui ſacro
Concilio non favent, extrinſece perturbationis
moleſtias excitari, hinc ſupplet hæc ſan-
cta Synodus ex certa ſcientia & juris auſto-
ritate omnem deſecuum, ſi quis forte in præ-
dictis fuſſe, aut eſſe videatur.

Decernit quoque & declarat omnia &
ſingula tam per Papam, quam per alios quos-
vis prætextu convocationis diſtri Concilii fa-
da, ordinata, attentata, vel attentanda,
ſive per interdicta aliasue cenzuras & priva-
tiones, vel inhabilitationes de personis noſtro-
rum Cardinalium, de dignitatibus, Eccle-
ſiis, monaſteriis, beneficiis, pensionibusque,
ac juribus eorumdem, ſive aliter quomodo-
cunque in præjudicium diſtri Synodi, ejus-
que membrorum & quovis modo eidem ad-
harentium vel adhæſurorum, nulla, irrita,
& inania fuſſe, ac fore, illisque uti no-
torie nullis, irritis, & erroneis nullatenus de-
ferendum. Nam ut Urbanus Pontifex re-
ſcripsit, quod Dominus, vel Apostoli,
vel sancti Patres statuerunt, debet Roma-

nus

Sæcul. XVI nus Pontifex ad animam usque & sanctum
A.C. 1511. guinem confirmare: Alioquin non sententiam dare, sed errare convincitur.

Alio Decreto eadem Synodus juxta Decretum Constantiensis Concilii in decima nona Sessione conditum statuit, ut omnes, & singuli beneficiati huic sacro Concilio praesentes omnes redditus, fructus & proventus suorum beneficiorum durante ipso Concilio, eisdemque in eadem Synodo perdurantibus integre percipere valeant; etiam si Curiales beneficiati sint, vel Canonicatus fuerint, quotidianis distributionibus duntaxat exceptis. Hujus vero Privilegii sequentem adducit rationem: Quod absentes causa Reipublicæ Ecclesiasticæ in Ecclesiis, in quibus beneficia habent, praesentes merito reputentur.

Post hæc Episcopus nomina ac numerum eorum, qui in Synodo quibusdam officiis praeficiebantur, praefigit: ex his Praefidis vices egit Bernardinus Carvajal, Cardinalis S. Crucis, Synodi custos nominabatur Odetus de Fuxo Lautreci Dominus, pluresque deputabantur Proto-Notarii, atque Notarii, quorum Princeps erat Ferrerio, cuius supra meminimus, praeter alios Advocatos, Promotores, ac fisci Procuratores. Ad hanc praelectam cujuslibet nominationem respondebant Patres: Placet, significantes, se illorum selectum ratum habere. De-

mum

num Præses Hymnum Ambrosianum Secul. XVI.
 præcinuit, quem Cantores prosequeran- A. C. 1511.
 tur, cantuque finito Promotores, ac Fi-
 sci Procuratores pro Synodo nominati eos
 omnes contumaces declarabant, qui tem-
 pore præstituto aut omnino abessent, aut
 absentiæ terminos justis de cauſis quibus-
 dam concessos excederent. Pronuncia-
 tam hanc contumaciæ sententiam Patres
 quidem approbarunt, interim tamen sibi
 reservarunt facultatem alios Conci-
 lii Ministros nominandi, necnon ad Sy-
 nodum admittendi, quoscunque vellent,
 etiamsi eveluto jamjam termino adveni-
 rent. Denique ad feriam sextam, quæ
 erat septima Novembris dies, secunda
 Sessio indicta est.

§. XL.

Sessio II.

Hæc Sessio magis solemnis erat, quam
 prima; jam enim Officialium singuli
 suo quisque ordine sedebant, illosque
 Cardinalis S. Crucis præcedebat: post-
 quam igitur Missa, quæ in feria secunda
 Pentecostes dici solet, a Narbonensi Car-
 dinale celebrata esset, dictoque Evange-
 lio ex capite decimo quarto S. Lucæ,
 quod ab illis verbis incipit: *Homo quidam*
fecit &c. Ferrerius Abbas ad congrega-
 tos dixit, orationis suæ argumento ex his-

Hist. Eccles. Tom. XXXII.

R ce